



Մ Ա Յ Ր Ա Թ Ո Ռ Ո Ւ Մ

Սույն թվի մարտի 18-ին, Մաղկազարդի օրը, Ս. Էջմիածնի Մայր Տաճարում, Էջմիածնի միաբանության անդամ 26-ամյա Ստեփանոս ավագ սարկավագ Տեր-Ստեփանյանը, Վեհափառ Հայրապետի բարեհաճ ցանկությամբ, ձեռնադրվեց Լաբնդա՛ Նորընծա արեղան իր անուշ ձայնի համար վերանվանվեցավ Կոմիտաս: Ձեռնադրությունը կատարեց գերաշնորհ Տ. Վահան արքեպիսկոպոս Կոստանյանը, խորտավիթակությամբ Մայր Տաճարի ավագ դասապետ Տ. Նիկողոս ավագ քահանա Բավեյանի:



Հուլիսի 4-ին ինքնաթիռով արտասահմանից Մոսկվայի մրայով Երևան ժամանեց Էջմիածնից արտասահման մեկնած պատվիրակությունը, գերաշնորհ Տ. Վահան արքեպիսկոպոս Կոստանյանի գլխավորությամբ: Պատվիրակությանը ընկերակցում էին եպիսկոպոսական ձեռնադրություն ստանալու համար Մայր Աթոռ Ս. Էջմիածին եկող Երուսաղեմի հայոց պատրիարքական տեղապահ գերաշնորհ Տ. Եղիշե վարդապետ Տերտերյանը, Տ. Սուրեն վարդապետ Քեմհաճյանը, Տ. Նորայր վարդապետ Պողարյանը: Գերագույն Հոգևոր Խորհրդի քարտուղար պ. Հ. Ագուլյանը կանխօրոք մեկնել էր Մոսկվա՝ դիմավորելու նրանց և ուղեկցելու Ս. Էջմիածին:

Օդանավակայանում հյուրերին դիմավորեցին Տ. Սահակ և Տ. Վազգեն ծայրագույն վարդապետները և Հոգևոր Ծեմարանի տեղապ. Ս. Մինասյանը: Օդանավակայանի դահլիճում հյուրերին ողջույնի խոսք ասաց Տ. Սահակ Մ. վարդապետը: Պատասխան խոսքով հանդես եկան գերաշնորհ Տ. Վահան արքեպիսկոպոսը և պատրիարքական տեղապահ Տ. Եղիշե վարդապետը:



Հունիսի 10-ին Մայր Տաճարում, Ս. Պատարագից հետո, Վեհափառ Հայրապետի ներկայությամբ, հանդիսավոր հոգեհանգիստ կատարվեց Կոստանդնուպոլսի նախկին պատրիարքական տեղապահ հոգեւույս Տ. Գեորգ արքեպիսկոպոս Արսւլանյանի հիշատակին:



Հուլիսի 7-ին Մայր Աթոռ այցելեց Շվեդիա-ՍՍՄԲ ընկերության պատվիրակությունը, որի կազմի մեջ կային պրոֆեսորներ, դոկտորներ, բանաստեղծներ և այլ մասնագիտության անձինք: Հյուրերը դիտեցին տաճարը, թանգարանը և Վեհարանը, նրանք վերջում շնորհակալություն հայտնեցին և դոհեռացան Մայր Աթոռից:



Հուլիսի 8-ին Մայր Տաճարում, ազգիս Վեհափառ Հայրապետ Տ. Տ. Գեորգ Զ. Սրբազնագույն Կաթողիկոսը, խուռն քաղմության ներկայությամբ, կատարեց եպիսկոպոսական ձեռնադրություն: Եպիսկոպոս ձեռնադրվեցին Ս. Երուսաղեմի հայոց պատրիարքական տեղապահ գերաշնորհ Տ. Եղիշե վարդապետ Տերտերյանը, Մայր Տաճարի ավագ լուսարար Տ. Սահակ Մ. վարդապետ Տեր-Հովհաննիսյանը, Երուսաղեմի Սրբոց Հակոբյանց ուխտի միաբաններ Տ. Սուրեն վարդապետ Քեմհաճյանը և Տ. Նորայր վարդապետ Պողարյանը, և Ռումինահայ թեմի առաջնորդ Տ. Վազգեն Մ. վարդապետ Պաւլյանը:

Ի պատիվ նորընծա եպիսկոպոսների, Վեհարանում տեղի ունեցավ ճաշկերույթ՝ Վեհափառ Հայրապետի և մի շարք հյուրերի ներկայությամբ:

Ռումինահայ թեմի առաջնորդ գերաշնորհ՝
Տ. Վազգեն եպիսկոպ Պալճյանի և Կոնստան-
ցայի հայ համայնքի և թաղական խորհրդի
միջնորդությամբ, Տ. Համազասպ ավագ քա-
հանա Պետիկյանին՝ նրա ծննդյան 80-ամ-
յակի և ուսուցչական գործունեության 50-ամ-
յակի կապակցությամբ, որպես ժրջան,
նվիրված և հավատարիմ գործիչ, Ամենայն
Հայոց Հայրապետը սույն թվի հուլիսի 18-ին
շնորհել է օրհնության կոնդակ:



Հուլիսի 15-ին Մայր Տաճարում եպիսկո-
պոսական իր անդրանիկ Ս. Պատարագը մա-
տուցեց Ս. Երուսաղեմի հայոց պատրիար-
քական տեղապահ գերաշնորհ Տ. Նդիշե նոր-
նծա եպիսկոպոսը: Տ. Տ. Սուրեն, նորայր և
Վաղգեն եպիսկոպոսներն ևս այդ օրը իրենց
եպիսկոպոսական անդրանիկ Ս. Պատարագ-
ները մատուցին Երևանի Ս. Սարգիս, Ս. Զո-
րավար և Ս. Հովհաննես եկեղեցիներում:
Պատարագներին ներկա էր հավատացյալ-
ներին հոծ թաղմություն, Պատարագիչ սրբա-
զանները քարոզեցին հավուր պատշաճի:

Հուլիսի 22-ին Մայր Տաճարում եպիսկո-
պոսական իր անդրանիկ Ս. Պատարագը
մատուցեց նորնծա Տ. Սահակ եպիսկոպոսը:



Օգոստոսի 19-ին, Վեհափառ Հայրապետի
կարգադրության համաձայն, Մայր Տաճա-
րում, Ս. Պատարագից հետո, կատարվեց
հոգեհանգիստ՝ Գերագույն Հոգևոր Խորհրդի
հանգուցյալ անդամ բանասեր Երվանդ Շա-
հազիզի հիշատակին:



Ս. Էջմիածնի Հոգևոր Ծեմարանն այս տա-
րի հաջողությամբ փակեց ուսումնական տա-
րին: Այդ առթիվ Հոգևոր Ծեմարանի մեծ
լսարանում հուլիսի 25-ին տեղի ունեցավ
հանդես, որին ներկա գտնվեց նորին Ս. Օժու-
թյուն Տ. Տ. Գեորգ Զ. Կաթողիկոսը: Այս տա-
րի Էջմիածնի Հոգևոր Ծեմարանը տվեց ինը
շրջանավարտներ, որոնց ավարտական շա-
րադրություններն ընդունված են լայն և
զգերազանց զնահատականներով:

1. Վեհափառ Հայրապետի կարգադրությամբ, Ել-
միածինն ամասագրի խմբագրությունը առաջիկա հա-
մարում տպագրելու է Էջմիածնի Հոգևոր Ծեմարանի
շրջանավարտների ավարտական շարադրություններ
ամփոփումները: — ԽՄԲ.

